



宋朝奉郎守太常少卿充秘閣校理 林億等校正

傷寒方

溫瘧第六論

瘧瘧法

灸刺法

論曰夫瘧者皆生於風夏傷於暑秋為瘧瘧也問曰瘧先寒而後熱者何也對曰夫寒者陰氣也風者陽氣也先傷於寒而後傷於風故先寒而後熱也病以時作名曰寒瘧問曰先熱而後寒者何也對曰先傷於風而後傷於寒故先熱而後寒也亦以時作名曰溫瘧其但熱而不寒者陰氣先絕陽氣獨發則少氣煩悶手足熱而欲嘔名曰瘧瘧問曰夫病溫瘧與寒瘧而皆安舍舍於何藏對曰溫瘧者得之冬中於風寒氣藏於骨髓之中

小山山房

金卷三十五

一

喬氏世定刻行

至春則陽氣大發邪氣不能自出因遇大暑腦髓鑠肌肉消滕理發泄因有所用力邪氣與汗皆出此病邪氣先藏於腎其氣先從內出之於外也如是則陰虛而陽盛盛則病矣衰則氣後反入入則陽虛虛則寒矣故先熱而後寒名曰溫瘧問曰瘧瘧何如對曰瘧瘧者肺素有熱氣盛於身厥逆上衝中氣實而不外泄因有所用力滕理開風寒舍於皮膚之內分肉之間發則陽氣盛陽氣盛而不衰則病矣其氣不及於陰故但熱而不寒氣內藏於心而外舍於分肉之間令人消鑠脫肉故名曰瘧瘧夫瘧之且發也陰陽之且移也必從四肢始也陽已傷陰從之故氣未并先其時一食頃用細左索緊束其手足十指令邪氣不得入陰氣不得出過時乃解



夫瘡脉自弦也弦數者多熱弦遲者多寒弦小緊者可下之弦遲者可溫遲若脉緊數者可發汗針灸之脉浮大者吐之瘡脉弦數者風發也以飲食消息止之

瘡歲歲發至三歲或連月發不解者以脇下有痞也治之不得攻其痞但得虛其津液先其時發其汗服湯已先小寒者引衣自覆汗出小便利即愈瘡者病人形瘦皮上必粟起也病瘡一日發當以十五日愈設不瘡當月盡解也今不愈當云何師曰此病結為癥瘕名曰瘡毋急當治之

鼈甲煎圓主之方

成死鼈

十二月治如食法要略作鼈用三兩

半夏

人參

人戟

各六兩

瞿麥

阿膠

紫葳

一作紫葳

小丘山房

金方卷三十一

二

喬氏世定刻行

牡丹皮

石膏

乾薑

大黃

厚朴

桂心

海藻

要略作赤消

葶蘆

蟻蛭

各十鍊

蜂窠

桃仁

芍藥

各一兩

柴胡

一兩半

烏羽

燒一作烏角

黃芩

各十鍊

麝蟲

雀燕

各三十鍊要略作鼠婦

右二十四味為末取鍛竈下灰一斗清酒一斛五斗以酒漬

灰取酒著鼈盡爛泯泯如漆絞去滓下諸藥煎為丸如梧桐

子大未食服七九日三仲景方無大戟海藻

柴胡栝蒌根湯治瘡而發渴者方

柴胡

黃耆

人參

甘草

生薑

各三兩

大棗

二十枚

栝蒌根

四兩

右七味咬咀以水一斗二升煮取六升去滓煎取三升温服
一升日三

牡蠣湯牡瘡者多寒治之方

牡瘡一作壯瘡

牡蠣

麻黃各四兩

甘草二兩

蜀椒

三兩無以恒山代之

右四味先洗蜀椒三過去腥咬咀以水八升煮蜀椒麻黃得六升去沫乃內餘藥煮取二升飲一升即吐出復飲之

蜀椒散多寒者牡瘡也治之方

蜀椒

雲母

龍骨各等分

右三味治下篩先末發一炊頃以酢漿服半錢臨發服一錢

温瘡者加蜀椒半分雲母取火燒之三日三夜要略不用雲母用雲實

有瘡瘡者陰氣孤絕陽氣獨發而脉微其候必少氣煩滿手足

小山山岩

千金卷三十五

三

喬氏世定刻行

熱欲嘔但熱而不寒邪氣內藏於心外舍於分肉之間令人消

爍脫肉也

有温瘡者其脉平無寒時病六七日但見熱也其候骨節疼痛

時嘔朝發暮解暮發朝解名温瘡

白虎加桂湯治之方

石膏一斤

知母六兩

甘草二兩

粳米六合

右四味咬咀以水一斗二升煮米爛去滓加桂心三兩煎取

三分分三服覆令汗先寒發熱汗出者愈

麻黃湯治瘧須發汗方

麻黃

桂萸根

大黃各四兩

甘草一斤

右四味咬咀以水七升煮取二升半分三服未發前食頃

服臨發一服服後皆厚覆取汗

治瘧或間日發者或夜發者方

恒山

竹葉各三兩

秫米一百粒

石膏八兩

右四味咬咀以水八升銅器中漬藥露置星月下高澤處橫刀其上明日取藥於病人房中以銅器緩火煎取三升分三服清旦一服未發前一食頃一服臨發一服三服訖靜室中卧莫共人語當一日勿洗手面及漱口勿進食取過時不發乃澡洗進食并用藥汁塗五心胃前頭面藥滓置頭邊會用

神驗救急方用烏梅二十七枚

又方先作羊肉臠麵餅飽食之行進少酒隨所能其令欣欣有酒氣入密室裏然炭火厚覆取大汗即瘥

小丘山瘧

千金方卷三十五

四

喬氏世定刻行

又方燒黑牛尾頭毛作灰酒服方寸七日三恒山圓治瘧瘥說不可具方

恒山

知母

甘草

大黃

各十銖

麻黃一兩

右五味為末密和丸如梧桐子大末食服五九日二不知漸增以瘥為度肘後無大黃

又方治瘧經數年不瘥者兩劑瘥二月已來一劑瘥方

恒山三兩為末以雞子白和併手丸如梧子大置銅椀中

於湯中煮令熟殺腥氣則止以竹葉飲服二十九欲吐但吐至發令得三服時早可斷食而晚不可斷食可竹葉汁

煮糜少食之

梔子湯治同前

梔子十四枚

秫米十四粒

恒山三兩

車前葉二升

右四味咀咀以水九升煮取三升分三服未發一服發時服發後一服以吐利四五行為瘥不止冷飯止之

恒山三兩

烏賊骨

升麻

鼈甲

附子各一兩

右五味咀咀絹袋盛以酒六升漬之小令近火轉之一宿成一服一合比發可數服或吐下

治瘧無問新久者方

小便半升 蜜三升

右二味煮三沸頓服每發日平旦時服自至發勿食重者漸

小丘山房

千金卷三五

五 喬氏世定刻行

退不過三服瘥

又方

車前子各一虎口

鼠尾子

右二味咀咀以水五升煮取二升未發前服盡

又方馬鞭草汁五合酒三合分三服

又方擣葇荑根燒為灰和水服一合量人大小強弱用之

又方瓜蒂二七枚擣水漬一宿服之

又方常以七月上寅日採麻花為末酒服方寸七

又方故鞋底去兩頭燒作灰并花水服之

又方服翹搖汁

又方桃花末水服方寸匕

治瘡方

鼈甲方寸

烏賊骨方二

附子炮

甘草各一兩

恒山二兩

右五味以酒三升半漬之露一宿明日塗五心手足過

發時瘡斷若不斷可飲一合許瘡

蜀榛圓治勞瘡拜治積勞寒熱發有時似瘡者方

蜀榛

麥門冬

知母

白薇

地骨皮

升麻各三銖

甘草

鼈甲

烏梅肉

姜蕤各一兩

恒山一兩半

石膏二兩

豉一合

小丘山居

千金卷三十五

六

喬氏世定刻行

右十三味為末蜜和丸如梧桐子大飲服十九日再服之稍稍加至二三十丸此神驗無不瘥也加光明砂一兩

烏梅圓治寒熱勞瘡久不瘥形體羸瘦痰結胃堂食飲減少或

因行遠久經勞役患之積年不瘥服之神效方

烏梅肉

豉各一合

升麻

地骨皮

柴胡

鼈甲

恒山

前胡各一兩

肉蓯蓉

玄參

百合

蜀榛

桂心

人參

知母各半兩

桃仁八十枚

右十六味為末蜜丸空心煎細茶下三十九二服老少孩童量方通用無所忌

治勞瘡積時不斷眾治無效者方

生長大牛膝一握切以水六升煮取二升分再服第一服
取未發前食頃第二服取臨發時

大五補湯治時行後變成瘡癩方

桂心三十枚 遠志 桔梗 芎藭各二兩

茯苓 乾地黄 芍藥 人參

白朮 當歸 黃耆 甘草各三兩

竹葉五兩 大棗二十枚 生枸杞根 生薑各一斤

半夏 麥門冬各升

右十八味呔咀以水三斗煮竹葉枸杞取二十次內諸藥煎
取六升分六服一日一夜令盡

鮫鯉湯治乍寒乍熱乍有乍無山瘡癩方

小丘山房

千金卷三二五

七

喬氏世定刻行

鮫鯉甲十四枚 鼈甲 烏賊骨各一兩 恒山三兩

附子一枚

右五味呔咀以酒三升漬一夕發前稍稍啜飲勿絕吐之兼
以塗身斷食過時乃食飲

烏梅圓治肝邪熱為瘡令人顏色蒼蒼氣息喘悶戰掉狀如死者
或久熱勞微動如瘡積年不瘡方

烏梅肉 蜀椒 鼈甲 菱麩

知母 苦參各一兩 恒山一兩半 石膏二兩

甘草 細辛各十枚 香豉各一合

右十一味為末蜜丸如梧子大酒服十九日再飲服

治心熱為瘡不止或止後熱不歇乍來乍去令人煩心甚欲飲

清水反寒多不甚熱者方

甘草

蜀棗

恒山

鼈甲

石膏

香豉

梔子

烏梅

淡竹葉

右九味咬咀以水九升煮取三升分三服恒山圓治脾熱為瘡或渴或不渴熱氣內傷不泄令人病寒腹中痛腸中鳴汗出

方

恒山

坤草

知母

鼈甲

右四味為末蜜丸如梧子大末發前酒服十九臨發時一服

正發時一服

恒山湯治肺熱痰聚胸中來去不定轉而為瘡其狀令人心寒

小山山房

金方卷三十五

八

喬氏世定刻行

寒甚則發熱熱間則善驚如有所見者方

恒山

甘草

秫米

右三味咬咀以水七升煮取三升分三服至發時令三服盡

又方治腎熱發為瘡令人淒淒然腰痛宛轉大便難目眴眴

然身掉不定手足寒方

恒山

烏梅

竹葉

香豉

葱白

右五味咬咀以水九升煮取三升分三服至發令盡

藜蘆圓五臟並有瘡候六腑則無獨胃腑有之胃腑瘡者令人

旦病也善飢而不能食食而支滿腹大治之方

藜蘆

恒山

皂莢

牛膝

巴豆三十枚

右五味先熬藜蘆皂莢色黃合搗為末蜜丸如小豆大旦服一九正發時一九一日勿飽食肘後無恒山及牛膝

刺灸法

肝瘡刺足厥陰見血

心瘡刺手少陰

脾瘡刺足太陰

肺瘡刺手太陰陽明

腎瘡刺足少陰太陽

胃瘡刺足太陰陽明橫膈出血

凡灸瘡者必先問其病之所發者先灸之從頭項發者於未發前預灸大椎大頭漸灸過時止從腰脊發者灸腎輸百壯從手臂發者灸三間

小丘山房

金方卷三十五

九

喬氏世定刻行

瘡灸上星及大椎至發時令滿百壯灸艾灶如黍米粒俗人不解取穴務大炷也

覺小異即灸百會七壯若後更發又七壯極難愈者不過三灸以足踏地以線圍足一匣中折從大椎向百會灸線頭三七壯炷如小豆狀 又灸風池二穴三壯

凡一切瘡無問遠近正仰卧以線量兩乳間中屈從乳向下灸度頭隨年壯男左女右

五臟一切諸瘡灸尺澤七壯穴在肘中約上動脉是也

諸瘡血脉不見者刺十指間出血去必已先視身之赤如小豆者盡取之

瘡刺足少陰血出愈

瘡瘡上星圭之穴在鼻中央直髮際一寸陷容豆是也灸七壯
先取諛語後取天牖風池瘡日西而發者臨泣圭之穴在目眦
上入髮際五分陷者灸七壯

瘡實則腰背痛虛則軌翹飛揚圭之穴在外踝上七寸灸七壯
瘡多汗腰痛不能俛仰目如眈項如扶崑崙圭之穴在足外踝
後跟骨上陷中灸三壯

瘡瘡法未發前把大雄雞一頭著懷中時時驚動令雞作大立
瘡

治瘡符凡用
二符

瘡小兒父字石拔母字石鍾某甲著患人姓名患瘡人竊讀之
曰一切天地山水城隍日月五星皆敬竈君今有二瘡鬼小兒
小山山岩

罵竈君作黑面奴若當不信者文書急急如律令

此符必須真書前後各留白紙一行擬著竈君額上瓦石
壓之不得壓字上勿令人近符若得專遣一人看符大好
亦勿令灰土傳符上致使字不分明出見著符次第如後
若明日日出後發須令人夜掃竈君前及額上令淨至發
日旦令患人整衣帽立竈前請符使人自讀必須分明讀
符勿錯一字每一徧若別人讀一徧患人跪一拜又以手
捉患人一度若患人自讀自捉衣振云人姓某甲如此是

凡三徧讀三拜了以淨瓦石壓兩角字向上著竈額上勿
令壓字上若瘡日西發具如上法三徧讀符至午時更三
徧讀如上法如夜發日暮更三徧讀並如上法其竈作食

亦得勿使動此符若有兩竈大竈上著符若有露地竈屋
裏竈上著止有露竈依法著之仍須手捉符其符法如後
若有客患會須客經停過三度發三度委曲著符如上法
符亦云客姓名患瘡乞拘錄瘡鬼小兒如左凡治久患者
一著符一漸瘡亦可五度著符如始可全瘡又須手把符
如左

王良符張季伯書之急急如律令

此王良符依法長捲兩手握念佛端坐如須行動檢按插
著曾前字頭向上

右二符各依法一時用不得闕一符萬一不瘡但得一發輕
後發日更讀即瘡一一仔細依法若字參差即不瘡

小丘山房

千金方卷三十五

一一

喬氏世定刻行

診谿毒證第七

江東江南諸谿源間有蟲名短狐谿毒亦名射三其蟲無目而
利耳能聽在山源谿水中聞人聲便以口中毒射人故謂射工
也其蟲小毒輕者及相逐者射著人影者皆不即作瘡先病寒
熱身不喜冷體彊筋急頭痛目眩張口欠歎嗽呼吸悶亂謂旦
少蘇醒晡夕輒復寒熱或似傷寒發石散動亦如中尸便不能
語病候如此自非其土地人不常數行山水中不知其證便謂
是傷寒發石散動作治乖僻毒盛發瘡復疑是瘰疽乃至吐下
去血復恐疑蟲毒是以致禍耳今說其狀類以明其證與傷寒
別也方見別卷中

孫真人備急千金要方卷之三十五

孫真人備急千金要方卷之三十六

磨六

宋朝奉即守太常少卿充秘閣校理林億等校正

肝臟方

肝臟脈論第一

論曰夫人稟天地而生故內有五臟六腑精氣骨髓筋脈外有四肢九竅皮毛爪齒咽喉唇舌肛門胞囊以此總而成軀故將息得理則百脉安和役用非宜即為五勞七傷六極之患有方可救雖病無他無法可憑奄然求往所以此之中秩卷卷備述五臟六腑等血脉根源循環流注與九竅應會處所并論五臟六腑等輕重大小長短闊狹受盛多少仍列對治方法丸散酒煎湯膏摩熨灸針孔穴並窮於此矣其能留心於醫術者可

小丘山房

千金卷三十六

一

喬氏世定刻行

考而行之其冷熱虛實風氣準藥性而用之則內外百病無所逃矣凡五臟在天為五星在方為五嶽約時為五行在人為五臟五臟者精神魂魄意也論陰陽察虛實知病源用補瀉應稟三百六十骨節終會通十二經焉

論曰肝主魂為即官隨神往來謂之魂魂者肝之藏也目者肝之官肝氣通於目目和則能辨五色矣左目甲右目乙循環紫

宮榮華於爪外主筋內主血肝重四斤四兩左三葉右四葉凡七葉有六童子三玉女守之神名藍藍主藏魂號為魂藏隨節應會故云肝藏血血舍魂在氣為語在液為淚肝氣虛則恐實則怒肝氣虛則夢見園花生草得其特夢伏樹下不敢起肝氣盛則夢怒厥氣客於肝則夢山林樹木

凡人寢卧血歸於肝肝受血而能視足受血而能步履受血而能握指受血而能攝

凡肝臟象木與膽合為腑其經足厥陰與少陽為表裏其脉弦相於冬王於春春時萬物始生其氣來濡而弱寬而虛故脉為弦濡即不可發汗弱則不可下寬者開開者通通者利故名曰寬而濡

春脉如弦春脉肝也東方木也萬物之所以始生也故其氣來濡弱輕虛而滑端直以長故曰弦反此者病何如而反其氣來實而弦此謂太過病在外其氣來不實而微此謂不及病在內太過則令人善忘志作怒矣忽忽眩冒而癡疾不及則令人曾痛引

背兩脇脹滿

小丘山房

金卷三二八

二

喬氏世定刻行

肝脉來濡弱招招如揭竿末梢曰平巢源作綽綽如按琴瑟之絃如揭長竿乎

春以胃氣為本肝脉來壅實而滑如循長竿曰肝病肝脉來急而益勁如新張弓弦曰肝死

真肝脉至內外急如循刀刀青青然巢源作順順然如按琴瑟絃作如

新張弓弦色青白不澤毛折乃死

春胃微弦曰平弦多胃少曰肝病但弦無胃曰死胃而有毛曰

秋病毛甚曰金病

肝藏血血含魂悲哀動中則傷魂魂傷則狂妄其精不守一作在忘

不精不敢令人陰縮而攣筋兩脇肋骨舉一作不舉毛悴色大死于秋

足厥陰氣絕則筋縮引卵與舌厥陰者肝脉也肝者筋之合也

筋者聚於陰器而脉絡於舌本故脉弗營則筋縮急筋縮急則

引卵與舌故脣青舌卷卵縮則筋先死庚篤辛死金勝木也
肝死藏浮之弱按之中如索不來或曲如蛇行者死

春肝水王其脉弦細而長曰平反得沉濡而滑者是腎之乘肝
母之歸子為虛邪雖病易治反得浮大而洪者是心之乘肝子
之乘母為實邪雖病自愈反得微澀而短金翼云微短澀者是肺
之乘肝金之剋木為賊邪大逆十死不治反得大而緩者是脾
之乘肝土之陵木為微邪雖病即瘥心乘肝必吐利肺乘肝即
為癰腫

左手關上陰絕者無肝脉也苦癢遺溺難言脇下有邪氣善吐
刺足少陽治陽

小丘山房

金方卷三十一

三

喬氏世定刻行

肝脉來濯濯如倚竿如琴瑟絃再至曰平三至曰離經病四至
脫精五至死六至命盡足厥陰脉也

肝脉急甚為惡言妄言一作微急為肥氣在脇下如覆杯緩甚為嘔
微緩為水穀悍大甚為內癰善嘔衄微大為肝痺縮欬引小腹
小甚為多飲微小為消癰滑甚為頽疝微滑為遺溺澀甚為溢
飲微澀為痰癢筋攣

肝脉搏堅而長色不青當病墜若搏因血在脇下令人喘逆其
濡而散色澤者當病溢飲溢飲者渴暴多飲而溢入肌膚腸胃

之外也素問溢入作易入

青脉之至也長而左右彈有積氣在心下支胛名曰肝痺得之
寒濕與疝同法腰痛足冷頭痛

補鵲云肝有病則目奪精虛則寒寒則陰氣壯壯則夢山樹等實則熱熱則陽氣壯壯則夢怒

肝在聲為呼在變動為握在志為怒怒傷肝精氣并於肝則憂肝虛則恐實則怒怒而不已亦生憂矣

色主春病變於色者取之榮

病先發於肝者頭目眩脇痛支滿一日之脾閉塞不通身病體重二日之胃而腹脹三日之腎小腹腰脊痛脛痠十日不已死冬日入夏早食

病在肝平旦慧下晡甚夜半靜

假令肝病西行若食雞肉得之當以秋時發病以庚辛日也家有血腥死女子見之以明要為災不者若感金銀物得之

小丘山房

金卷三十一

四

喬氏世定刻行

凡肝病之狀必兩脇下痛引小腹令人善怒虛則目眩眵無所見耳無所聞善恐如人將捕之若欲治之當取其經足厥陰與少陽氣逆則頭目痛耳聾不聰頰腫取血者

肝脈沉之而急浮之亦然若脇痛有氣支滿引小腹痛時小便難苦目眩頭痛腰痛脊痛足為寒時瘡女人月事不來時無時有得之少年有所墮墜

肝病其色青手足拘急脇下苦滿或時眩胃其脈弦長此為可治宜服防風竹瀝湯秦艽散春當刺大敦夏刺行間冬刺曲泉皆補之季夏刺太衝秋刺中却皆瀉之又當灸其門百壯背第九椎五十壯

邪在肝則兩脇中痛寒中惡血在內疝善癢節時腫取之行間

以引脇下補三里以溫胃中取血脈以散惡血取耳間青脈以去其瘰凡有所墮墜惡血留內若有所大怒氣上而不能下積于左脇下則傷肝

肝中風者頭目憫兩脇痛行常偃令人啞耳如阻婦狀

肝中寒者其人洗洗惡寒翕翕發熱面翕然赤兼熱有汗胃中煩熱

肝中寒者其人兩臂不舉舌本反詐燥善太息胃中痛不得轉

側時盜汗欬食已吐其汁肝主胃中喘怒罵其脉沉胃中又窒

欲令人推按之有執鼻窒

肝傷其人脫肉又臥口欲得張時時手足青目暎瞳人痛此為

肝臟傷所致也

小山山房

二金方卷三十一

五

喬氏世定刻行

肝水者其人腹大不能自轉側而脇下腹中痛時時津液微生

小便續通

肝脹者脇下滿而痛引小腹不寧

肝著其病人常欲蹈其胷上先未苦時但欲飲熱

診得肝積脉弦而細兩脇下痛邪氣走心下足脛寒脇痛引小

腹男子積疝女子瘦淋身無膏澤善轉筋爪甲枯燥青黑卷痿

而秋劇色青也

肝之積名曰肥氣在左脇下如覆杯有頭足如龜鼈狀久又不

愈發欬逆痞而連歲月不已以季夏戊巳日得之何也肝病傳

肝肝當傳脾脾適以季夏壬壬者不受邪肝復欲環肺肺不肯

受因留結為積故知肥氣以季夏得之

肝病胃滿脇脹善悲怒呼身體有熱而復惡寒四肢不舉
白身體滑其脉當弦長而急今反短濇其色當青而反白者此
是金之剋木為大逆十死不治

襄公問扁鵲曰吾欲不診脉察其音觀其色知其病生死可得
聞乎答曰乃聖道之大要師所不傳黃帝貴之過於金玉入門

見病觀其色聞其呼吸則知往來出入吉凶之相角音人者主
肝聲也肝聲呼其音琴其志怒其經足厥陰厥逆少陽則榮衛

不通陰陽交錯陰氣外傷陽氣內擊擊則寒寒則虛虛則卒然
喑啞不聲此為厲風入肝續命湯主之

頭面日青黑四肢緩弱遺失利便甚則不可治餘則旬月之內
桂枝湯主之

方見別卷中

又呼而哭哭而反吟此為金剋木陰擊陽

六

喬氏世定刻行

陰氣起而陽氣伏伏則實實則熱熱則喘喘則逆逆則悶悶則
恐畏目視不明語聲切急謔說有人此為邪熱傷肝甚則不可

治若唇色雖青向眼不應可治地黃煎主之

方見下肝虛實篇中

肝病為瘡者令人色蒼蒼然太息其狀若死者烏梅丸主之

別卷中

若其人本來少於悲悲忽爾嗔怒出言反常乍寬乍急言

未竟以手向眼如有所畏若不即病禍必至矣此肝病聲之候
也若其人虛則為寒風所傷若實則為熱氣所損陽則瀉之陰

則補之青為肝肝合筋青如翠羽者吉肝主目目是肝之餘其
入木形相比於上角蒼色小頭長面大肩平背直身小手足有

材好勞心少力多憂勞於事耐春夏不耐秋冬感而生病
足厥陰也他然脇廣合堅脆傾正則肝應之正青色小理者則

肝小小則藏寒無脇下之病粗理者則肝大大則虛虛則寒逼胃迫咽善膈中且脇下痛廣脇反散者則肝高高則實實則肝熱上支貴加脇下急為急貴合脇危一作危散者則肝下下則過

胃脇下空空則易受邪脇骨堅者則肝堅則臟安難傷脇骨弱者則肝脆脆則善病消瘴易傷脇腹好相者則肝端正端正則和利難傷脇骨偏舉者則肝偏傾偏傾則脇下偏痛凡人分部陷起者必有病生膽少陽為肝之部而藏氣通於內外部亦隨而應之沉濁為內浮清為外若色從外走內者病從外生部處起若色從內出外者病從內生部處陷內病前治陰後治陽外病前治陽後治陰陽主外陰主內凡人死生休否則藏神前變形于外人肝前病目則為之無色若肝前死目則為之脫精若小丘山旁

天中等分差色應之必死不治看應增損斟酌餘促則不出四百日內促則不延旬月之間肝病少愈而卒死何以知之曰青白色如拇指大靨點見額頰上此必卒死肝絕八日死何以知之面青目赤但欲伏眼目視而不見人汗出如水不止一日二日死面黑目青者不死青如草滋死吉凶之色在於分部順順而見青白入目必病不出其年若年上不應三年之中禍必應也

春木肝脉色青主足少陽脉也春取絡脉分肉春者木始治肝氣始生肝氣急其風疾經脉常深其氣少不能深入故取絡脉分肉之間其脉根本並在竅陰之間應在窻籠之前窻籠者耳前上下脉以手按之動者是也

其筋起於小指次指之上結外踝上循肝外廉結於膝外廉其支者別起於外輔骨上走髀前者結伏兔之上後者結於尻其直者上眇乘季脇上走腋前廉俠於膺乳結於缺盆直者上出掖貫缺盆出太陽之前循耳後上額角交顛上下走頤上結於顛其支者結於目外眥為外維

其脉起於目兌眥上抵頭角下耳後循頸行手少陽之前至肩上却交出手少陽之後入缺盆其支者從耳後入耳中出走耳前至兌眥後其支者別兌眥下大迎合手少陽於頰下加頰車下頸合缺盆以下脅中貫膈絡肝屬膽循脇裏出氣街繞毛際橫入髀厭中其直者從缺盆下腋循曾過季脇下合髀厭中以下循髀陽出脈外廉下外輔骨之前直下抵絕骨之端下出外

小丘山房

千金卷三十六

八

喬氏世定刻行

踝之前循足跗上出小指次指之端其支者別跗上入大指之間循大指岐內出其端還貫入爪甲出三毛合足厥陰為表裏厥陰之本在行間上五寸應在背輪同會于手太陰

其足少陽之別名曰光明去踝半寸是也別走厥陰下絡足跗主肝病病實則膽熱熱則厥厥則陽病陽脈反逆大於寸口一倍病則曾中有熱心脇頭領痛缺盆腋下腫虛則膽寒寒則痿癱則陰病陰脈反小於寸口病則曾中有寒少氣口苦身體無膏澤外至肝絕骨外踝前及諸節皆痛若陰陽俱靜與其俱動如引繩俱頓者病也此盡是足少陽膽經筋脉支別為病今取足厥陰肝經附于後足厥陰之脉起於大指聚毛之際上循足趺上廉去內踝一寸上踝八寸交出太陰之後上膈內廉循股陰入毛中環陰器抵

小腹俠胃屬肝絡膽上貫膈布脇肋循喉嚨之後上入頰頰連
目系上出額與督脈會于巔一本云其支者從小腹與太陰少
其支者從目系下頰裏環脣內其支者復從肝別貫膈上注肺
中是動則病腰痛不可以俛仰丈夫頰疝婦人小腹腫甚則噎
乾面塵脫色是主肝所生病者曾滿嘔逆洞泄狐疝遺溺閉癢
盛者則寸口大一倍於人迎虛者則寸口反小於人迎也

足厥陰之別名曰蠡溝去內踝上五寸別走少陽其別者循經
上畢結於莖其病氣逆則羸腫卒疝實則挺長熱虛則暴癢取
之所別足厥陰之筋起於大指之上上結於內踝之前上循脰
上結內輔之上下循陰股結於陰器結絡諸筋

春三月者主肝膽青筋牽病也其源從少陰而涉足少陽少陽
小丘山房

金卷三十一

九 喬氏世定刻行

之氣始發少陰之氣始衰陰陽怫鬱於腠理皮毛之病俱生表
裏之病因起從少陽發動反少陰氣則臟腑受癘而生其病相
反若腑虛則為陰邪所傷腰背強急腳縮不伸脰中欲折目中
生花若臟實則為陽毒所損瀦瀦前寒而後熱頸外雙筋牽不
得屈伸頸直背強眼赤黃若欲轉動全身回側故曰青筋牽病

方見傷寒卷

灸法

扁鵲曰灸肝肺二輸主治丹毒牽病當依源處洽調其陽理其
陰臟腑之疾不生矣

肝虛實第二 灸法 方

肝實熱

煮時時動上褰子煎取一升分服日二

遠志散治肝邪熱出言及常乍寬乍急方

遠志

射干

杏仁

大青

各一兩半

茯神

麥門冬

葛根

甘草

各一兩

芍藥

桂心

知母

升麻

各五分

石膏

二兩

右十三味治下節為粗散以水二升五合煮竹葉一升取汁

內藥一七半煎取八合為一服日一以綿褰散煮之

地黃煎治邪熱傷肝好生悲怒所作不定自驚恐方

生地黃

淡竹葉

生薑

車前草

乾藍

各切一升

赤蜜

丹參

玄參

各四兩

小山房

金卷三二六

喬氏世定刻行

茯苓

二兩

石膏

五兩

右十味以水九升煮取三升去滓停冷下蜜更煎三兩

沸分三服

肝膽俱實

左手關上脉陰陽俱實者是厥陽與少陽經俱實也病苦胃脹

嘔逆食不消名曰肝膽俱實也

肝虛寒

左手關上脉陰虛者是厥陰經也病苦脇下堅寒熱腹滿不欲

飲食腹脹悒悒不樂婦人月經不利腰腹痛名曰肝虛寒也

補肝湯治肝氣不足兩脇下滿筋急不得大息四肢厥冷發冷

心腹痛目不明了及婦人心痛乳癰膝熱消渴爪甲枯口面青

左手關上脉陰實者足厥陰經也病苦心下堅滿常兩脇痛息
忿忿如怒狀名曰肝實熱也

竹瀝世熱湯治肝實熱陽氣伏邪熱喘逆悶恐目視物無明狂
悖非意而言者方

竹瀝升十 麻黃 大青 施子仁

升麻 茯苓 玄參 知母各三分

生薑 石膏各八分 生薑 芍藥各四分

右十二味咬咀以水九升煮取二升半去滓下竹瀝煮兩三

沸分三服須利下芒消三分去芍藥加生地黃五分刪繁方無石膏

生薑芍藥生薑用人參三分

前胡湯治肝實熱目痛脅滿氣急塞瀉肝方

小山房

今卷三十六

十一 喬氏世定刻行

前胡 磁硝 秦皮 施子仁

決明子 黃芩 升麻 麩仁

細辛各三兩 苦竹葉 車前葉各切一升

右十一味咬咀以水九升煮取三升去滓下芒消分三服又

一方有柴胡三兩共十二味

防風散治肝實熱夢怒虛驚方

防風 茯苓 萎蕤 白朮

橘皮 丹參各一兩三分 細辛二兩 甘草

射于各一兩 升麻 黃芩各一兩半 大棗三七枚

酸棗仁三分

右十三味治下篩為粗散以兩方寸匕角裹以井花水二升

山茱萸翼作 牛草

桂心各三兩

桃仁翼作

栝子仁

細辛

茯苓

防風各二兩

大棗二十枚

右九味以咀以水九升煮取五升去滓分三服

補肝散治左脇偏痛久宿食不消并目眵眵昏風淚出見物不

審而逆風寒偏甚消食破氣止淚方

山茱萸

桂心

薯蕷

天雄

茯苓

人參各五分

芎藭

白朮

獨活

五加皮

大黃各七分

橘皮三分

防風

乾薑

丹參

厚朴

小丘山房

二金卷三十一

二二 喬氏世定刻行

細辛

桔梗各一兩半

甘草

甘菊花一兩

貫衆兩半

陳麥麩

大麥蘖各一升

右二十三味治下節酒服方寸七日二若食不消食後服若

止痛食前服之

松膏酒補肝治肝虛寒或高風眼淚等雜病方

以松脂十斤細剉以水淹浸一周日煮之細細接取上膏

水竭更添之脂蓋更水煮如煎煙盡去火停冷脂當沉下

取一升釀米一石水七斗好麩末二斗如家常釀酒法仍

冷下飯封一百日脂米麩並消酒香滿室細細飲之此酒

須一倍加麩

枸杞酒治同前

搗碎枸杞子一斗先內綉袋中酒二斗漬訖密封泥甕勿洩曝乾天陰勿出三七日滿且溫酒任性飲之忌酢

防風煎治肝虛寒目眩視物不明諦視生花補方

防風

細辛

芎藭

獨活

白鮮皮

甘草各三兩

橘皮二兩

大棗三七枚

蜜五合

甘竹葉切一升

右十味以水一斗二升先煮九味取四升去滓下蜜更

煎兩沸分四服曰三夜一若五六月以燥器貯冷水藏之

檳榔湯治肝虛寒脇下痛脹滿氣急目昏濁視物不明方

檳榔

二十枚

附子七枚

母薑七兩

茯苓

橘皮

桂心各三兩

桔梗

白木各四兩

小丘山房

金方卷三十一

一三

喬氏世定刻行

吳茱萸五兩

右九味以水九升煮取三升去滓溫服每服一升若氣

喘者加芎藭三兩半夏四兩甘草二兩

治肝虛目不明方

灸肝輪二百壯小兒斟酌可灸一二七壯

肝膽俱虛

左手關上脉陰陽俱虛者足厥陰與少陽經俱虛也病苦恍惚

尸厥不知人妄見少氣不能言時時自驚名曰肝膽俱虛也

肝勞第三論

論曰肝勞病者補心氣以益之心王則感於肝矣人逆春氣則足少陽不生而肝氣內變順之則生逆之則死順之則治逆之

則亂反順為逆是謂關格病則生矣

猪膏酒治肝勞虛寒關格滯閉塞不通毛悴色夭方

猪膏 薑汁各二升

右二味以微火煎取三升下酒五合和煎分為三服

虎骨酒治肝虛寒勞損口苦關節骨疼筋攣縮煩悶方

虎骨一升炙焦碎如雀頭

丹參兩八

乾地黄兩七

地骨皮

乾薑

芎藭兩各四

猪椒根

五加皮

白朮

枳實兩各五

右十味咬咀絹袋盛以酒四斗浸四日初服六七合漸加至一升日再

小丘山房

千金卷三十六

十四

喬氏世定刻行

孫真人備急千金要方卷之三十六

孫真人備急千金要方卷之三十七

磨七

宋朝奉郎守太常少卿充秘閣校理林億等校正

肝臟方

筋極第四 論方 灸法

論曰夫六極者天氣通於肺地氣通於嗑風氣應於肝雷氣動於心穀氣感於脾素問穀作谷也雨氣潤於腎六經為川腸胃為海九竅為水注之氣所以竅應於五臟五臟邪傷則六腑生極故曰五臟六極也

論曰凡筋極者主肝也肝應筋筋與肝合肝有病從筋生又曰以春遇病為筋痺筋痺不已復感於邪內舍於肝則陽氣入於內陰氣出於外若陰氣外出則虛虛則筋虛筋虛則善悲色小丘山房

卷之三十七

一 喬氏世定刻行

青蒼白見於目下若傷寒則筋不能動十指爪皆痛數好轉筋其源以春甲乙日得之傷風風在筋為肝虛風也若陽氣內發發則實實則筋實筋實則善怒嗔乾傷熱則欬欬則脇下痛不能轉側又脚下滿痛故曰肝實風也然則因其輕而揚之因其重而減之因其衰而彰之審其陰陽以別柔剛陽病治陰陰病治陽善治病者病在皮毛肌膚筋脉而治之次治六腑若治五臟則半死矣扁鵲云筋絕不治九日死何以知之手足爪甲青黑呼罵口不息筋應足厥陰足厥陰氣絕則筋縮引卵與舌筋先死矣

橘皮通氣湯治筋實極則欬欬則兩脇下縮痛甚則不可動方

橘皮 四兩

白朮

石膏 各五兩

細辛

當歸

桂心

茯苓 各三兩

香豉 升一

右八味㕮咀以水九升煮取三升去滓分三服

丹參散治筋實極則兩脚下滿滿而痛不得遠行脚心如割筋斷折痛不可忍者方

丹參 兩二

芎藭

杜仲

續斷

地骨皮 兩二

乾地黄

當歸

通草

升麻

麥門冬

禹餘糧

麻黃 各一兩

牛膝 兩二

甘草

桂心 兩一

生薑 切炒取

牡蠣 各二兩半

右十七味治下篩為粗散以絹袋子盛二方寸匕以井花水

小丘山房

二金方卷三十七

二

喬氏世定刻行

二升煮數動袋子煮取一升頓服日二

地黄煎治筋實極手足爪甲或青或黃或烏黯四肢筋急煩滿

方

生地黄汁 升三

生葛汁

生玄參汁 各三升

升麻 各二兩

麻黃

梔子仁

犀角 各三兩

石膏 兩五

芍藥 兩四

右十味㕮咀以水七升先煮七物取二升去滓次下地黄汁

煎一兩沸次下葛汁煎取三升分三服日再

五加酒治筋虛極筋痺好悲思顏色蒼白四肢噎噉脚手拘攣

伸動縮急腹中轉痛方

五加皮 斤一

薏苡仁 升半

枳刺 升二

大麻仁 升三

猪椒根皮

丹參

乾薑

苧蕪五兩

桂心

當歸

甘草三兩

天雄

秦椒

白鮮

通草四兩

右十五味㕮咀以絹袋盛清酒四斗清春夏四日秋冬六七月初服六七合稍稍加以知為度

人參酒治筋虛極則筋不能轉十指爪皆痛數轉筋或交接過度或病未平復交接傷氣內筋絕舌捲脣青引卵縮脬脈急腹中絞痛或便欲絕不能飲食方

人參

防風

茯苓

細辛

秦椒

薑黃

當歸

牛膝

桔梗各一兩半

乾地黃

丹參

薯蕷

小丘山房

一合方卷三一七

三

喬氏世定刻行

鍾乳

礬石各三兩

山茱萸

苧蕪各二兩

白朮

麻黃各二兩半

大棗三十枚

五加皮一升

生薑切炒

烏麻碎各二升

右二十二味㕮咀鍾乳別以小袋子盛清酒二斗半浸五宿溫服三合日再不知隨意增進一本無烏麻用杜仲一兩半

治交接損卵縮筋攣方

燒婦人月經衣灰服方寸匕

治筋絕方

熬蠶腦足髓內瘡中筋即續

灸法治

勞冷氣逆腰髓冷痺脚屈伸難灸陽蹻一百壯在外踝下容爪

腰背不便轉筋急痺筋攣灸第二十一椎隨年壯
轉筋十指筋攣急不得屈伸灸脚外踝骨上七壯

失精筋攣陰縮入腹相引痛灸中封五十壯在內踝前筋裏宛
宛中

又云灸下滿各五十壯老人加之小兒隨年壯法

又云此二穴發腫厥逆五臟所苦鼓脹悉以主之

轉筋脛骨痛不可忍灸屈膝下廉橫筋上三壯

腹脹轉筋灸臍上一寸二七壯

堅癥積聚第五

論灸法

論曰病有積有聚何以別之答曰積者陰氣也聚者陽氣也故

陰沈而伏陽浮而動氣之所積名曰積氣之所聚名曰聚故積

小丘山房

千金方卷三十七

四

高氏世定刻行

者五臟之所生聚者六腑之所成故積者陰氣也其始發有常

處其痛一作病也不離其部上下有所終始左右有所窮也已聚者

陽氣也其始發無根本上下無所留止其痛無常處謂之聚也

故以是別知積聚也

經絡受病入於腸胃五臟積聚發伏梁息賁肥氣否氣奔豚積

聚之始生至其已成奈何曰積之始生得寒乃生厥止乃成積

人之善病腸中積者何以候之曰皮薄而不澤肉不堅而淖澤

如此則腸胃傷惡惡則邪氣留止積聚乃作腸胃之積寒溫不

次邪氣稍止至其畜積留止大聚乃起病有身體腰髀股胫皆

腫環臍而痛是謂何病曰病名伏梁此風根也不可動動之為

水瀦瀦之病小腹盛左右上下皆有根者伏梁也暴膿血居腸

胃之外不可治治之每切按之致死此下則因陰必下膿血上則迫胃管生王水云膈俠胃管內癰此久病也難療居臍上為逆慎勿動亟奪其氣溢於大腸而著於育育之原在臍下故環臍而痛

三台圓治五臟寒熱積聚臘脹腸鳴而噫食不生肌膚甚者嘔逆若傷寒瘥已愈令不復發食後服五九飲多者十九常服令人大小便調和長肌肉方

大黃煮

前胡各二兩

消石

葶藶

杏仁各一升

厚朴

附子

細辛

半夏各一兩

茯苓半兩

右十味為末蜜和搗五千杵丸如梧子大服五九稍加至十丸以知為度

小山山房

古今卷三一七

五

喬氏世定刻行

五石烏頭圓治男子女人百病虛弱勞冷宿寒久癖及癥瘕積聚或嘔逆不下食并風濕諸病無不治之方

鍾乳鍊

硫黃

礬石

紫石英

赤石脂

枳實

甘草

白朮

紫菀

山茱萸

防風

白薇

桔梗

天雄

皂莢

細辛

茯苓

人參

附子

藜蘆各一兩

麥門冬

乾薑

蜀椒

吳茱萸

桂心各二兩半

烏頭三兩

厚朴

遠志

茯苓各一兩半

當歸二兩

麥膏五合

乾地黄一兩十錢

右三十二味為末蜜和搗五千杵丸如梧子大酒服十九日

三稍加之

烏頭圓治男子女人寒冷腹內積聚邪氣往來厥逆搶心痛痺悶吐下不止婦人產後羸瘦方

烏頭十五枚 蜀椒 乾薑

桂心各二兩半 乾地黃一兩半 前胡 細辛

人參 芎藭 白朮各一兩六銖 皂莢

紫苑 白薇 芍藥各十八銖

右十五味為末蜜九如梧子大酒下十九日三稍加之以知為度

治心腹疝瘕脇下及小腹滿堅痛有積寒氣入腹使人腹中冷發甚則上搶心氣滿飲食喜嘔方

小丘山房

二合方卷三十七

喬氏世定刻行

大黃 茯苓各一兩半 桂心 黃芩

吳茱萸 細辛 人參 蜀椒

乾薑各一兩六銖 男髮灰半兩 牡丹 甘草

芎藭 茯苓 麤蟲各十銖 芍藥

防葵 蜜蟲 厚朴 半夏各一兩

右二十味為末蜜九如梧子大服五九日再漸加之

恒山圓治脇下邪氣積聚往來寒熱如温瘧方

恒山 蜀漆 白薇 桂心

鮑甲 白朮 附子 鼈甲

麤蟲 貝齒各一兩半 蜚蠊六銖

右十一味為末蜜九如梧子大以米泔清服五九日三

又方蒸鼠壤土尉之冷即易服中切痛炒鹽半升令焦內湯中飲之大吐瘕若手足痛者炒青布內小口器中熏痛處

神明度命圓治久患腹內積聚大小便不通氣上搶心腹中脹滿逆害飲食方

大黃

芍藥各二兩

右二味為末蜜丸如梧子大服四九日三不知可加至六七

丸以知為度

治萬病積聚方

七八月收蒺藜子不限多少以水煮過熟取滓曝令乾搗

篩蜜丸如梧子大酒服七丸以知為度其汁煎如飴服之

陷胃湯治胃中心下結積飲食不消方

小丘山房

金卷三十七

七

喬氏世定刻行

枳實

大黃

黃連各二兩

甘草一兩

右四味咬咀以水五升煮取二升五合分三服

太乙神明陷冰圓治諸疾破積聚心下支滿寒熱鬼注長病欬

逆唾噫辟除眾惡殺鬼逐邪氣惡胃中結氣咽中閉塞有進有

退繞臍惻惻隨上下按之挑手心中愜愜如有蟲狀毒注相染

滅門

雄黃油煮一日

丹砂

礬石

當歸

大黃各二兩

巴豆一兩

犀角

鬼白

射罔

藜蘆各一兩

豈珠

附子各一兩半

麝香

牛黃

人參各半兩

蜈蚣

蜥蜴各一
斑蝥各七

羌青五枚

烏頭八枚

杏仁四十

斑蝥七枚

樗雞

地膽各三枚

桂心三兩

右二十四味為末密和搗三萬杵丸如小豆大先食飲服二

丸日二不知稍加仍以藥二丸安門戶上令衆惡不敢近家

及視病人夜行獨宿服二丸令衆惡不敢近傷寒服之無不

即瘥此方與尸瘡篇方重

蜥蜴圓治癥堅水腫蜚尸百注遁注尸注骨血相注惡氣鬼忤

蟲毒邪氣往來夢寤存亡留飲結積虎狼所嚙網大所作燬毒

入人五臟服藥以消殺其毒食不消婦人邪鬼忤亦能遣鬼之

方

蜥蜴

蜈蚣各二枚

地膽五枚

麝蟲

小山山房

全象卷二十七

八

喬氏世定刻行

虫蟲

杏仁各三十枚

蠅娘十四枚

朴消

巴豆各一兩

欬冬花

犀角

桃奴

澤漆

桑赤雞

鬼督郵各十枚

芍藥

虎骨各一兩

各半

甘草

乾薑各一兩

甘遂各一兩

右二十味為末別治巴豆杏仁如膏內藥末研調下窰搗二

萬杵丸如麻子先食飲服三九日一不知加之不敢吐下者

一九有人風冷注癱堅二十年者得瘥此方與方尸瘡篇重

大五明狼毒圓治堅癰瘡在人骨脇或在心腹方

狼毒

乾地黄各四兩

附子

大黃

菴蓉

人參

當歸

細辛

蜀椒

五味子

藟茹焚令煙盡

半夏 兩二

乾薑

桂心 各一兩半

芫花

莽草

厚朴

防已

旋復花

各半兩

杏仁 三十枚

巴豆 二十枚

右二十一味為末蜜和丸如梧子大服二九日二夜一以知

為度

小狼毒圓治同前

狼毒 三兩

附子

旋復花

半夏

蘭茹

白附子 各二兩

右六味為末蜜和搗五千杵丸如梧子大飲服三九加至十

九日三 附後方無半夏有三白附子蘭茹只味

狼毒圓治堅癖方

小山山房

金方卷三一七

九

喬氏世定刻行

狼毒 五兩

半夏

杏仁 各三兩

桂心 四兩

附子

蜀椒

細辛 各二兩

右七味為末別搗杏仁蜜和丸如大豆飲服二九

甘遂湯治暴堅又痞腹有堅方

甘遂

黃芩

砒硝

桂心

細辛 各一兩

大黃 三兩

右六味咬咀以水八升煮取二升半分三服

治卒暴癥腹中有物堅如石痛如斫刺晝夜喘呼不治百日必

死

牛膝二斤咬咀曝令乾以酒一斗浸之蜜麩器口煎取半

服升一服便吐去宿食行效

治卒暴癥方

搗碎商陸根蒸之以新布籍度以藥鋪著其上以衣物覆其上冷易之數日用之且夕勿息

又方

蒜十片取五月五日者去皮

桂二寸

竈中黄土

如雞子大一枚

右三味合搗以淳苦酒和塗布上以掩病處不過三日消凡

蒜亦佳肘後方不用桂

野葛膏治卒暴癥方

野葛一尺

當歸

附子

雄黃油煮一日

細辛各一兩

蜀椒半兩

烏頭二兩

巴豆一百枚

右八味咬咀以大醋浸一宿猪膏二斤煎附子色黃去滓內

小丘山房

金匱卷三十

喬氏世定刻行

雄黃粉攪至凝傳布上掩癥處復以油重布上復著十重紙以熨斗處火著其上常令熱日三夜二須膏乾為度

消石大圓治十二癥瘕及婦人帶下絕產無子并欲服寒食散

而腹中有癥瘕實者當先服大丸下之後與寒食散大丸不下

水穀但下病耳不令人困方

消石

六兩朴消亦得

大黃八兩

人參

甘草

各二兩

當歸一兩

右四味為末以參年苦酒三升置銅器中以竹筋拄器中一升作一刻凡三升作三刻以置火上先內大黃常攪不息手使微沸盡一刻乃內餘藥又盡一刻餘一刻極微大使大便

可丸如雞子中黃凡合藥並晁齋戒一宿勿令小兒女人
婢等見之欲下病者用二丸若不能服大丸者可分作小丸
然亦不可過四丸也丸欲令大不欲令細能不分為善若人
羸者可少與強者可二十日五服和調半日乃不若婦人服
之下者或如雞肝或如米汁正赤黑或一升或三升下後慎
風冷作一杯粥食之然後作羹臠自養如產婦法六月則有
子禁生魚猪肉辛菜若寒食散者自如藥法不與此同日服
土瓜圓治諸藏寒氣積聚煩滿熱飲食中蠱毒或食生物及水
中蟲卵生入腹而成蟲蛇若為魚鱉留飲宿食婦人產後帶下
百病陰陽不通利大小便不節絕傷墮落寒熱交結唇口焦黑
身體消瘦嗜卧少食多覺產乳胞中餘疾股裏熱少腹中急結
小丘山房

今金方卷三十七

喬氏世定刻行

痛引陰中方

土瓜根

桔梗各半
升味

杏仁升

大黃

一斤蒸二斗
米下曝乾

右四味為末蜜丸如梧子大空腹飲服三丸日三不知加之
以知為度

治凡所食不消方

取其餘類燒作末酒服方寸匕便吐去宿食即瘥有食桃
不消作病者以時無桃就樹聞得楸桃燒服之登時吐病
出甚良

治卒食不消欲成癥積方

前艾汁如飴取半升作一服便刺吐去宿食神良

艾五只圍一束薏苡根一六把二味同煎

治食魚肉等成癥結在腹內并諸毒氣方

狗屎五升燒末綿裹以酒一斗浸再宿瀝取清分十服日

三三日令盡隨所食癥結即出

治雜食瘰癧不消心腹堅痛方

以水三升煮白鹽一升令消分三服刺吐去所食并治暴

癥

治癥堅心下有物大如杯不得食食則腹滿心腹絞痛方

葶藶子

大黃各二兩

澤漆四兩

右三味別研葶藶為膏其二味搗五百杵入蜜更搗千杵和

丸如梧子大服五丸不知加之日三

小丘山房

金方卷三十七

喬氏世定刻行

治小腹堅大如盤胃中滿脹食不消化婦人瘦瘠方

以暖水腹髮灰一方寸七日再并灸肋端

又方飲服上好麴末方寸七日三又灸三焦輸隨年壯瘥

治伏梁氣方

白馬屎銅器中盛取每旦服一升

治癥瘕方

櫛樹白皮煎冷可丸服之取知病動若下減之

櫛樹方治患癥結病及瓜病似瓜形日月形或在臍左右或在

臍上下或若鼈在左右肋下或當心如合子大法先針其足以

櫛樹之

取一新盆子受一斗者底鑽一百二十孔上著櫛三合

上著一重紙紙上著冷灰一升冷灰上著熟灰半升上著
剛炭火一斤經一食頃盆底執徹當病上初安纏一重即
安火盆火盆大熱以漸更加一重若火更熱不可忍加至
三重暫歇進一口冷飲還上火消二分許即停止經三日
勿著及至七日決得頓瘳然後食食自補若小不瘳作

露宿丸服之

方見別卷

治腹中積癥方

葶藶子一升熬以酒五升浸七日每服三合日三

治蛇癥方

白馬尾切長五分以酒服方寸匕大者自出更服二分者

一方寸匕中者六出更服三分者一方寸匕小者復出不

小山山房

今卷三十七

十三

喬氏世定刻行

可頓作一服殺人

馬尾一本作馬尾

大黃湯治蛇癥方

大黃

茯苓各半兩一

烏賊骨二枚

皂莢六枚如猪牙者 甘草如指大者一尺

芒硝如雞子大一枚

右六味咬咀以水六升煮三五沸去滓內消適寒溫蓋服之

十日一劑作如上法宿勿食平旦空腹服病根當下也

治蠶癥腹堅硬腫起大如盆眠卧不得方

食中得病為蠶癥在心下堅強

取藍一斤擣水三升絞取汁每服一升日二

又方蒴藿根白皮一握研取汁以水和頓服之

又方白馬屎一升雞子三枚取白合前取二合空腹頓服不

時當吐病出

又方鷄屎一升炒令黃取五合以酒一升浸取半搗為末以所
浸酒服方寸七日二服三日中作一劑

治蛟龍病

開皇六年三月八日有人食并得之其人病發似癩
癩面色青黃因食寒食錫過多便秘吐狀似蛟龍有

頭而
有尾

服寒食錫三斗大驗

山野人有齒蟲在腹上生長為蟲癥病治之方

故敗篋子

故敗梳各一
枚

右二件各破為兩分各取一分燒為末又取一分以水五升
煮取一升服上件燒末頓服即出

常欲食米若不得米則胃中清水出為米癥治之方

雞屎一
升

白米五
合

小丘山房

金匱卷三十七

十四

喬氏世定刻行

右二味合炒令米焦搗末以水二升頓服取盡須臾吐出病
如研米若無米當出痰白此末憎米不服食之矣

人有思肉不已食訖復思者為肉癥治之方

空腹飲白馬屎三升吐有肉出不出必死

食中有髮不覺因食而入久即胃間如有蟲狀上下去來惟欲
飲油一日之中乃至三二升不欲飲食者為髮癥方

以油一升以香澤煎之大錘勞貯之安病人頭邊令口鼻臨
油上勿令得飲傳鼻而令有香氣當呼喚取飲不得與之必
當疲極大睡其髮癥當從口出令一人專守視之并備石灰
一暴見癥出以灰粉手捉癥抽出及盡即是髮也初從腹中
出形如不流水中濃莖隨髮長短形亦如之

又方酒三升煮猪脂二升三沸服一升日二白馬尿服之亦佳
無白馬尿白牛尿亦得

灸法

癥瘕灸內踝後窻窻中隨年壯又灸氣海百壯

久冷及婦人癥瘕腸鳴泄利統臍絞痛灸天樞百壯三報穴在
俠臍兩邊各方寸勿針

積聚堅滿灸脾募百壯穴在章門季肋端

心下堅積聚冷脹灸上管百壯三報穴在巨闕下一寸

積聚堅大如盤冷脹灸胃管二百壯三報穴在巨闕下二寸

孫真人備急千金要方卷之三十七

小丘山房

二金卷三十七

一五

喬氏世定刻行

